



## Publicaziuns officialas dils 03-04-2009

---

### Damondas da baghegiar

Nr. 18/2009

Datum da publicaziun: 03-04-2009

Patrun: Pleiv Surrein, 7173 Surrein

Representant: Biro d'inschignier Deplazes, 7173 Surrein

Object: Sanaziun dalla caplutta s. Clau nr. d'assec 302 sin parcella nr. 1446 a Surrein, Reits.

Nr. 23/2009

Datum da publicaziun: 03-04-2009

Patrun: Palmiro Cajacob, 7175 Sumvitg

Object: Sanaziun dil parcadi e niev mir da sustegn sin parcella nr. 1667 a Sumvitg, Vitg.

Ils profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun. Eventualas protestas encunter sura damondas da baghegiar ein d'inoltrar:

- a) appartenent il dretg privat agl uffeci circuital Cadi, Mustér cun ina copia alla cumissiun da baghegiar
- b) concernent il dretg public alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 03-04-2009

Cumissiun da baghegiar Sumvitg

### Vignettas da mopeds

La vignetta da mopeds 2009 sa vegnir retratga tier l'administraziun communal. La taxa munta a **frs. 55.--**.

Sumvitg, 03-04-2009

Administraziun communal

### Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, avrel 2009

Departament stradal

## Lenna da brisch 2009

La vischnaunca da Sumvitg offerescha a vischinas e vischins la cumpra da lenna da brisch sco suonda:

### Pégn

Igniu	frs. 55.00/m <sup>3</sup>
Staziun Sumvitg	frs. 55.00/m <sup>3</sup>
Plaun Petschen	frs. 55.00/m <sup>3</sup>

### Ogna

Falens	frs 60.00/ster
--------	----------------

Ils prezis secapeschan excl. taglia sin plivaleta. Cundiziuns da pagament ein 30 dis netto! La lenna vegn partida tier tenor successiun dallas annunzias.

Bugen offerin era lenna resgiada, fendida e transports tochen a casa.

Interessents san annunziar lur empustaziuns a scret agl Uffeci forestal Sumvitg, 7175 Sumvitg, ni e-mail: [uffeci.forestal@sumvitg.ch](mailto:uffeci.forestal@sumvitg.ch), ni per telefon (081 943 19 77 ni 079/ 681 19 67). Las empustaziuns ston succeder entochen sil pli tard ils **15 d'avrel 2009**.

Bien engraziament per Vossa empustaziun!

Sumvitg, avrel 2009

Il selvicultur da revier

## Uffeci civil Cadi

### Mortori

**Candinas Maria Margaretha**, naschida ils 27-12-1916 a Sumvitg, morta ils 28-03-2009, stada sesenta a Surrein, Encarden 368.

Sumvitg, 03-04-2009

Controlla da habitonts

## Pleiv Surrein

### Radunonza generala

La radunonza generala dalla pleiv Surrein ha liug **dumengia sera, ils 5 d'avrel 2009 allas 20.00 en casa da scola a Surrein.**

## Cussegl Pastoral Rabius

**Dumengia da Palmas, ils 5 d'avrel 2009** envidein nus cordialmein vischinas e vischins da magliar suppa suenter messa en casa da scola. Silsuenter presenta sur Benny a nus sia patria cun maletgs e texts. Aschia savein nus emprender d'enconuscher ina part dall'India. Cun il recav sustenin nus projects egl uestgiu da sur Benny. Nus selegrein sin stedia participaziun e schein a bien seveser *sur Benny ed ils commembers dil cussegl pastoral*

## **Concert per nossas senioras e nos seniors da Surrein e Rabijs**

**Dumengia, ils 5 d'avrel 2009 alla 14.00 uras**

Las societads da musica Surrein e Rabijs envidan cordialmein las senioras ed ils seniors da Surrein e Rabijs ad in suentermiezdi da cumpignia cun concert en casa da scola Surrein.

## **Corporaziun d'aua e glisch Sumvitg /S. Benedetg**

**Radunonza generala**

**Gievgia, ils 16 d'avrel 2009** allas 20.00 uras en l'aula dalla casa da scola Sumvitg.

## **Corporaziun d'aua e glisch Rabijs**

**Radunonza generala**

**Sonda, ils 18 d'avrel 2009** allas 20.00 uras el hotel Greina.

*La suprastonza*

## **Mupi vischnaunca Sumvitg**

**Ura da fuffergnar**

Tut ils affons dallas annadas 2005 e 2006 che han tschaffen da far gimnastica ein cordialmein envidai da vegnir e passentar in'ura da fuffergnar. Nus s'entupein ils **17-4-2009 allas 9.45 uras** a Sumvitg en halla da gimnastica. Sin Vossa viseta selegra la menadra: *Sandra Carigiet*

## **Uniun samaritana Sumvitg**

Igl exercezi meinsil digl avrel ha liug mardis, **ils 7 d'avrel** allas 20.00 ell'aula dalla casa da scola a Sumvitg. Dr. Martin Tomaschett tegn in referat pertuccont depressiuns. Il referat ei publics.

## **Controlla d'apparats d'uida gratuita**

Mira sut Trun.

## **Biblioteca Trun**

**Liug: Center communal (2. alzada)**

**Info: [www.biblioteca-trun.ch](http://www.biblioteca-trun.ch); Info: [biblioteca@trun.kns.ch](mailto:biblioteca@trun.kns.ch)**

**Uras d'emprest/Öffnungszeiten**

Gliendisdis/Montag 15.30–17.00

Gievgia/Donnerstag 15.30–17.30

Venderdis/Freitag 19.00–20.30

durant las vacanzas da scola/ während der Schulferien: Venderdis/Freitag 19.00–20.30

Per scolas, uniuns ni gruppas ei la biblioteca aviarta tenor convegnientscha. 081 943 26 90.  
Nus selegrein da Vossa viseta. *Il team dallas bibliotecaras.*

## **Biblioteca populara, Mustér**

**Liug: Casa da scola, tel. 081 947 52 90.**

**biblioteca@disentis.ch**

Sut [www.disentis.ch](http://www.disentis.ch) ni [www.bibliotecas-surselva.ch](http://www.bibliotecas-surselva.ch) anfleis Vus nies entir catalog bibliotecar. Per Email saveis vus reservar ina ni pliras medias ed enteifer 5 dis retrer ad emprest ellas en biblioteca populara.

### **La biblioteca ei aviarta:**

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger...tedlar...mirar...!

Nus selegrein da mintga viseta.

### **Il svilup dalla scartira e ses fastitgs**

**Entochen ils 24 d'avrel** havein nus exponiu tablas d'informaziun e maletgs sur dil svilup dalla scartira. Il viadi dalla scartira entscheiva cun il temps da crap e finescha cun las letras modernas d'ozildi. Nus selegrein da mintga viseta. *Biblioteca populara Mustér*